



10113



余昆子孝韻上學以未耳女
士熊澆仙名特未似微其著述也
迨余自醴陵省浙因名接區風
雅蕊落間有子手稍暇每適唯
侶染翰於烟嵐空翠間自有以園
秀詩示余余不解搢粉摘香籠

澹仙詩鈔 徐序

宜人及採其庭蘊此皆自父師之
潤色乃屬葉礎可操刀求其解子
言乞業立就者百不得一因思造物
生才不保茲又君之歸也徐昧
之歸秦未兩美必合誠不多親
他若李易安生泚頁擊抱清雋



才子瀟蕭憔悴，以經身者指不
後，屈之令讀其集，未嘗不賞其
才而悲其遇也。壬子春，余引疾歸
里，獲交熊子湛，原明經，澹仙，固
熊尖女姪也。因知澹仙才子之遇
之難，以言罄矣。澹仙切實恬可。

澹仙詩鈔

徐序

二

天又染痼疾，無以為家，故半生
依母弟居，釵菊裌布，顧影淒
然。雅函憂抑，雲而霜晨，月夕其
吟咏，上聲未嘗不與。哀雁北飛，
水鴈聲如，吁天意袖，肯補屋
辛。羅漢人，瀟湘空，名豈虛。

哉余家有書峰園及水東村
舍青星州邑侯黃澹人進士登
學博秦吳玉高宗庚亥歲与自邑
諸名流清暇每過余醜咏得一
雅題輒馳牋索澹仙句佳詩
至而層質之豪稱未老脫也其

辭自清器水到渠成非寢食於古人
未示辭上夏星湖先生捐俸為梓里
集同人亦稍有傾助集將成澹僊
索余序余不文為言之又自是為
澹仙重嘆澹仙之才若此其高
澹僊上遇若彼乎嗚呼夏書每

喪終為重紫澹仙之境益覺其苦
而詩亦自覺其苦工矣以視香閨
艷噴鮑參初壇其真偽究何如
耶孰知古今人亦不及耶至其詩
詞之深情遠性尚為有目者共
賞余持此其生存唯願以見一

澹仙詩鈔

徐序

四

班云

嘉慶丁巳新秋

同里法浦徐觀政序



序

如皋傳為賈大夫射雉地故書院亦以雉水名余宰斯邑招諸生課以奇文共欣賞為詩題有熊生珣者中聯詮奇字佳余曰是可與言詩者進而勗之並詢所師曰姊也余曰姊可為師古真有隔紗受業者矣然亦未甚奇之也彌月復課珣出詩賦一集曰此家璉姊所作余展閱之思幽深而筆秀逸有唐人音多感且愁殆所遇之非偶耶時臬宿儒江葯船洪修堂輩在座同起對曰熊璉者字

澹仙詩鈔

序

一

商珍號澹仙亦號茹雪山人其先世居江右南昌祖正冠遷如皋父大綱叔秉綸俱能文章璉幼慧好讀書作詩賦間出奇句驚長老長益耽之古文制義俱嫻早許字同里陳遵遵旋得廢疾遵父不欲誤璉終身請毀婚璉堅不可卒歸于陳間歸奉孀母勤操作暇輒以詩賦自遣年頃近四十矣慕德者賢之愛才者惜之今擬以集付梓乞一序以弁冊端余曰男女之情人孰無之當日使賈大夫不武其妻將終憎之况廢疾耶澹仙以鮑妹之學

守宋女之貞中慟中之奇者也其才奇其命奇其志更奇茲集當作奇文共欣賞觀矣賞其奇自哀其奇惡得不傳其奇雖女子不必以文詞見長然憂而不誹怨而不亂是以德繩才奇而仍正矣實足以風今而愧古詩賦云乎哉為之序並贈二律從來薄命是蛾眉况有詞華慧業隨病不廢婚心獨苦才偏折福數何奇青鸞鏡愧同栖影烏鳥情猶得展私此集無心矜藻采聊憑風月遣幽思

自是瑤池謫降仙心經默默解叅禪眼空塵外三澹仙詩鈔

序

二

千界聰辨琴中二四弦芳範應傳無朽日文章足補不全天人間好合知多少寂寞身名寃可憐

嘉慶二年歲次丁巳仲春星湖曹龍樹題



題詞



大興翁方綱梧門

雉水騷壇老主盟謂吳梅原手持一卷屬論衡鬚眉強
半因才累巾幗何堪與命爭詞賦纏綿根至性文
章哀艷感人情師門衣鉢真傳在粉海脂山見老
成

滿洲法式善時帆

傳來江左驚新本玉椀冰甌沁齒牙寧似伯鸞偕
德耀難同徐淑寄秦嘉羣栖雜沓嫌孤鳳返哺辛
澹仙詩鈔題詞

勤感暮鴉莫怪息心禪誦地人間一切等空花

揚州羅聘兩峰

詩以窮途偏磊落語由天性自纏綿世間旗鼓誰
相敲哭殺吾家有白蓮內子白蓮女史亦工詩

盱眙宋長溶雲溪

藐姑冰雪澹無姿香閣噙成幼婦詞想見繡餘人
定後碧紗牕畔吮毫時

連篇觸目盡琳琅隨意哦來字字香笑煞紅閨諸
女伴金鍼只解繡鴛鴦

東臯名士擅風流
樹幟詞壇互唱酬
更有深閨工賦物
春來花鳥不禁愁

蕙質蘭心自不慙
新詩傳誦遍江南
玉峰集邑名

媛姜

宜著錢孝廉標林配

後愁叢集浔此居然鼎足三

愁叢集邑高雲莊母

氏

揚州黃洙潛人

璇宮一夜賦秋清
曉展雲霞錦字成
最是停機惆悵處
空聞下界管絃聲

疑是仙人吳彩鸞
偶然小謫守清寒
韻書寫出宮

澹仙詩鈔

題詞

二

商譜留與人
間仔細看

通州胡長齡印渚

鴻鵠其性鸞鳳其聲
俯視八表高挹千齡
奈何見嫉腐鼠營營
彼其之子夙遭天刑
內外讒構幾殞厥生
婦匪伯玉妻異仲卿
發憤著書蘭閨霄崢
刺船成連鼓瑟湘靈
聽之不盡求之愈精
迢迢三古誰步芳型

同里徐觀政湘浦

造化無偏枯
鍾靈在中幃
此事非孟浪
其人才必

夙又與好花樣顛倒及窮促愈窮則愈工愈工則
愈感所以杜少陵飽食黃牛肉雉城有閨秀佩蘭
兼蘊玉落落忽自忘不知聚幾幅清才邈三蘓白
眼視二陸詩成泣鬼神落筆撼坤軸隱居在茅茨
蘆簾間虛白君才人不知自咏還自讀我儕老而
顛十載湖山曲袖手空歸來鋤地還種菊偶見吟
秋詩驚咤舌頻縮雖云學力深自是骨不俗匪獨
詩格高詞學爭玉局嗟哉生不辰瘦影逐寒鷺有
道堪勝癯達觀能解惡形如枯木槎詩可歸元穆
澹仙詩鈔

題詞

三

同里 冒國柱 芥原

爰當高歌憔悴殺閨中屈子贏得是啼鴉魂夢羈
鴻身世斷鼓零鐘殘月外荒垣敗屋秋風裡况新
來慟絕夢我詩呼天地 愁與病何時已魔與障
何能避數牢騷種種為君屈指信道一編都是淚
可憐百折渾難死試尋思薄命古來多誰如此

紅

江滿

我亦傷心消受此暮年光景空負却聲華少日文
場馳騁四海交遊離散久一家骨肉凋零甚最堪

哀有女當佳兒芳魂冷 秋易老霜殘髮誰可訴

形連影對淒涼滿紙長吟短詠阮籍應添歧路泣

江淹合譜千秋恨願生生莫作讀書人同悲哽前調

同里江干片石

孤城僻處踏斜暉拄杖來敲竹裡扉三月空堂人

如雪如雪澹仙齋名不知墻角有花飛

玉釵鈿盒委流塵齋閣年來一病身見說粧臺慵

更倚鏡中消息倍愁人

白頭失路少人悲女子同時數亦竒咏絮才高成

澹仙詩鈔

題詞

四

底用詩名不療一身饑

病餘心亦似懸旌只恐匆匆死竟成身後千秋應

有托班昭曾作女門生

同里黃理良男

白髮重逢老布衣謂江片石先生閒隨杖履叩柴扉謝家

庭院清如水斜日東風柳絮飛

墨池香冷露華研脫手新詩上彩牋五色應憐心

是石幾曾離恨補蒼天

文章福命古難兼茹雪從知足養恬近日襄陽耆

舊盡天將風雅付香奩

熒熒燈火夜牕虛課弟還依阿母居珍重深閨青
史筆他年留續未成書

同里喬 普雲客

密密真珠字作行天然逸韵協清商如何一樣生
花管開向粧臺分外香

吟裁花骨鏤春雲好策紅閨翰墨動慧業縱教慳
福澤烟霞未許綺羅分

攤書簾影著愁叢妾鬢如霜句自工底事詞人偏
濬仙詩鈔 題詞 五

如雪不知庭院有春風

荒堦落葉掩蓬廬藝圃浮華力掃除欲挽顏風歸
正始清才須讓女相如

通州孫 翱呂溪

不獨感搖落兼多百慮侵毀巢歸故壘顧影發哀
吟蝴蝶莊生夢蛾眉屈子心還同海山月蕭瑟照
寒林

東臺于 泗秋渚

素紙虛牕勝碧紗年年雪裡咏梅花若非小劫遭

淪謫誰識人間萼綠華

補屋牽蘿未是貧
澹仙住數椽聞與佛為隣
近尼菴鐘魚

聲靜香閨掩閉
煞青燈續史人

道是愁眉掃不開
頻年風雨暗粧臺
書生薄福堪為例
莫怨紅顏只怨才

少小花間記辨
琴霏霏水雪動微吟
苦心豈少知
心在頭白袁女是賞音
澹仙詩詞表簡齋太史採入隨園詩話

無錫秦鼎雲玉齋

茶點吳甌香焚漢鼎
秋光乍入疎簾
取薔薇浣手

澹仙詩鈔

題詞

六

試啓瑤牋珠璣顆顆
編成字壓尋常
脂粉香奩
遙知索句清風四壁
淡月侵檐
沉潛掃盡穠纖
須酬他一字一匹青
縑訝斯文福薄
病與愁兼
綵毫揮落千秋淚
怪朝來鍼線慵拈
還應愧煞詞場若

輦鬢髮鬢鬢
金菊對芙蓉

通州朱雨田硯農

前身可是蕊宮仙
謫向人間豈偶然
一管生花天付與
裁雲鏤月盡堪傳

生成慧業出名姝
竟日惟耽一卷書
記得清言霏

玉屑青絲幃外絮飛初

只有梅花許作隣高寒雪月助精神脂濃粉艷都
收拾澹處纔能識性真

西風落葉掩荒齋四壁蕭然絕點埃叅透禪機詩
是偈瓣香端合禮如來

常州楊景奎 蓉湖

聰明絕頂是前修貧病難消萬斛愁今古紅顏俱
幻夢好憑詩卷獨長留

品似幽蘭節似霜一生心血付詞章他年遠播名
澹仙詩鈔題詞

姝集紙價應湏並洛陽

同里黃鍾 栗園

風細裊爐煙漫展花牋麝煤香冷露華鮮料得吟
情秋水外皎月空天 貧病一身兼學佛求仙多
才不受俗緣牽力掃深閨脂粉習那似香奩浪淘沙

同里姜培基 蒲村

故人有女閨中秀落落清才志不揚失母孤烏悽
夜月無家羈雁泣寒湘編成白雪詞原古咏到梅
花句亦香子有寒梅詩澹仙屬和今日山齋親過訪頻揮涕

淚感中郎

澹仙尊人
與余至交

通州馮雲鵬晏海

柳絮新篇幽蘭雅調詩成傳徧天涯霜毫揮動錦
字走龍蛇應是安妃賜綬飛瓊姊滿贈瑤花來人
世靈香猶濕和淚寫風紗挑燈頻讀到文章歌
歎感慨吁嗟便眼空閨閣力掃浮華一種淒淒楚
楚抵多少曉月秋笳烟霄冷清音獨奏鴉鵲四無
譚滿庭芳

通州陳邦棟十村

澹仙詩鈔

題詞

八

底須怨命既生為才女自應落魄雪浸寒梅雲掩
月愈顯幽香古色漫說閨帷即論淮海誰是文章
伯寥寥幾卷勝他名下千百十分貧到無情半
篝炊雨影落紗牕黑鏡裡春愁清化水一味遊心
翰墨天已鍾靈世非無目終古名山立兩行老淚
有人吟苦同滴百字令

南城吳煊退菴

金針不繡新花樣老我窮途奔海上才長福薄天
示公此例尤嚴巾幗中雉皋詩人女長吉夢裡花

生眉黛筆厨空竈冷祇著書吟魂生入九幽室初
聞此語心惻傷百讀新詩轉慨慷誰教智慧發珠
光命將才補造兩當我知天心費酌量窮厄假并
無短長郊原壘壘秋草荒身後誰過弔夕陽有才
世盡貢玉堂癡男女子何所望嗚呼感此終徜徉

通州李懿曾漁衫

蕊珠仙子問天公直恁這般淪折不共蜚英栖霞
水只有餐水嚼雪慧性胎蓮清絲曳繭字字鶉啼
血幽閨歌泣肝腸一寸寒鐵世間萬事空花花
澹仙詩鈔題詞九

開花落易過芳菲節偏是才人甘命薄經得許多
磨滅病裡禪機愁中悟境幽夢鐘敲徹大千看破
任他明月圓缺百字令

澹仙詩鈔卷一

如皋熊璉澹仙著

同懷弟瑚鏡湖較

江南春

十里朱垣隱畫檐杏花初放雨廉纖東風綠到垂
楊陌樓上春寒不捲簾

題幽居

何嫌屋矮與籬疎但近烟霞便可居門柳綠環池
面水檐花紅映案頭書一簾澹月停樽待五畝荒
澹仙詩鈔卷一

秋蟲

蕭蕭唧唧渺難尋幽咽泥塗恨亦深冷性自緣羞
附熱哀鳴寧為索知音壞垣踈葉三秋夢檐月蘿
風五夜心只有愁人同不寐淒然枕上觸孤吟

殘菊

寂居憐秋光散步過林麓西風吹面寒沿籬數殘
菊零落有餘香踈枝隔塵俗美人消瘦時扶病倚
脩竹

愛月

不別茅檐與玉欄，清光萬里露華寒。若能詩骨經秋健，便倚西風徹夜看。

春鳥

小桃含宿烟，垂柳拂溪水。莫喚曉窓前，春眠人未起。

驚破牕前曙，醒聞花上歌。貧家春自少，聲在隔隣多。

憶家

澹仙詩鈔

卷一

二

日長無力倚書幃，蓬髮慵梳淚暗垂。弱弟經年形影隻，老親徹夜夢魂隨。艱危不復同身受，辛苦還應異地知。疊疊柔腸多少恨，綠楊烟際鎖顰眉。

感舊

刺繡餘閒就塾時，也从花裡謁名師。貪看夜月憎眠早，倦挽春雲上學遲。書案屢吟秋柳句，錦牋頻寫落花詩。而今回憶皆塵夢，望斷當年舊董帷。嘆我浮生不自由，嬌癡未慣早知愁。弱齡已醒繁華夢，薄命先分骨肉憂。親老偏逢多病日，家貧常

值不登秋眼前俱是傷心事幾度臨風淚暗流
總憚風冷舊牕紗轉眼雲山鬢易華故宅重來猶
有夢殘魂歸後已無家天邊鶴去仙蹤杳塚上鶻
啼日影斜西望白楊烟樹裡遙將杯酒酹天涯

晚望

何處是天涯望望柴門裡烟際悄無人斜陽隔秋
水

遊仙詞和朱硯農先生

鶴帔飄搖兩袖風步履來往碧雲中蓬壺別有閒
澹仙詩鈔

卷一

三

天地懶問蟠桃幾度紅

煉藥空山欲濟時也應難療世情癡蒼岷翠壁無
人處自把筠籃摘紫芝

轉眼興亡事已賒忘機獨自醉流霞吳宮漢苑尋
陳蹟祇有春風歲歲花

一箇葫蘆一卷經踏歌歸去亂山青玉簫吹徹滄
江月多少浮生夢未醒

破書歎

西牕有做書字蹟多磨滅歲久無人披風過飄殘

雪我為拂塵埃昭然著日月令人一片紙古人一
腔血

夢醒

短燭無光夜向晨淒然覺後轉傷神寄聲鐘鼓休
相喚不是繁華夢裡人

春燕

年年故壘隔天涯繡幙重尋剪剪斜辛苦不知身
是客一春銜盡碧桃花

雁聲

澹仙詩鈔

卷一

四

西風散作滿天秋今古何人不淚流應助瀟湘無
限怨又添關塞許多愁王嬙去日悲紅粉蘓武歸
時歎白頭同是一般蕭瑟意嗷嗷叫月過南樓

村女

柔桑枝上聽鳴鳩曉起提筐過碧疇借問誰家春
夢好半牕紅日未梳頭

自歎

異鄉淪沒感離居最是鐘殘夢醒初回首半牕燈
影下三年不檢舊時書

春夜

玉簫吹徹畫屏空，清漏迢迢曲未終。
覺後不知風露冷，半牕花影月明中。

梅花

林下幽栖祇澹粧，偏將孤艷罄羣芳。
羅浮覺後魂何在，玉笛吹殘恨正長。
自遇雪霜甘冷落，可堪烟月正昏黃。
一春偃蹇空山裡，誰信冰清別有香。

賣花聲

纈翠攀紅曉露霑，誰攜春色過前檐。
香風喚醒深澹仙詩鈔卷一

五

閨夢何處高樓不捲簾

柳眉

東皇着意為描神，不借張郎筆下春。
曲曲裁成新月樣，纖纖妬煞倚樓人。
露凝澹埽文君黛，風捲愁添西子顰。
試問鏡中誰得似，六宮多少畫難真。

柳絲

無限飄零恨，依依拂翠樓。
東風吹不斷，長是繫春愁。

寒食感懷

禁火空齋晝掩門半牕疎雨又黃昏鶯花寂寂悲
新塚烟柳蕭蕭憶舊村地下應無能寄淚天涯尚
有未歸魂傷心客裡驚回首遙向東風莫一樽

螢火

水面光先亂風前影更輕背燈兼背月原不向人
明

蝶

滕王新樣總翩翩拂綠穿紅亦可憐一縷芳心和
絮亂半生香夢為花牽蕞蘭曉濕沾殘露小草春
澹仙詩鈔卷一

六

深宿暖烟留得六朝金粉在東風無力乍晴天

蟬

齊女前生怨未窮祇今遺恨滿蒼穹已持孤節爭
清露猶放悲聲咽遠風宮髻驚隨秋色老離魂喚
起夕陽紅井梧堤柳知多少常傍高枝一葉中

秋江圖

兩岬蓼花紅欲燃四圍沙嶼沒寒烟遠鐘敲落孤
舟月客子推篷霜滿天

春晝

深庭寂寂掩牕紗一枕東風日又斜
夢裡不知春色好流鶯啼上海棠花

月榭

清輝射滿月華高
隱隱花香隔院飄
十二欄干人徧倚
是誰吹徹紫瓊簫

白牡丹

楚楚雲衣別樣裁
飛瓊仙子謫瑤臺
現身未改冰霜色
入世原從富貴來
移爾艷香歸淨域
讓他朱紫滿塵埃
雕欄錦障知多少
似向梁園雪裡開

澹仙詩鈔

卷一

七

繁華夢裡各爭春
惟有天姿不染塵
碧玉應慚仙骨格
綠珠宜妬月精神
斜暉掩映光尤潔
曉露空濛色更新
休買胭脂誇妙手
霜毫付與白描人
鉛華洗淨玉為顏
雅素羞依百寶欄
香襲珠簾春欲老
魂飛瑤圃月猶寒
謝家柳絮團成艷
隋苑瓊花懶更看
却笑繡毬同日放
無人珍重水晶盤

梅花

年年先占百花期
春入江南蝶未知
竹外寒烟松外月
一枝和雪壓踈籬

夕陽和閨友黃心石

餘紅澹染綠煙痕風送歸鴉過別邨花影半牕人
獨倚水晶簾下怯黃昏

贈犬

朱門食飽逐風塵巷陌揚威吠亦頻一種炎涼渾
是汝絮衣却步幾多人

歌妓

當筵一曲斲人腸短袖輕袍粉黛香近日鬚眉工
誦笑許卿端合易男粧

澹仙詩鈔卷二

如皋熊璉澹仙著

同懷弟瑚鏡湖較

詠阮嗣宗

落拓應知有曠懷鍾情厚處免疑猜醉眠花館非
迷色哭弔紅顏是愛才翻以猖狂全氣節不妨遊
戲混塵埃一雙白眼千杯酒失路悠悠慟幾回

蘭花

雖鄰衆草獨冰心點點幽香傍竹林一片騷魂招
澹仙詩鈔卷二
不得瀟湘烟雨綠波深

畫眉鳥

愛婦春山翠黛長柳陰嬌囀百花香誰家姊妹初
臨鏡飛近紅樓鬪曉粧

秦淮

江山金粉未全消松榿欄干柳拂橋無數風帆輕
似葉賣花聲裡認南朝

涼夜

寂寞夜悠悠西風欲報秋夢回湘簾薄蟲語畫屏

幽往事悲青史孤燈易白頭却憐牕外月如水浸
空樓

吳江曲

疎柳堤邊蕩槳過蕭蕭兩岸荻花多孤篷忽醒還
鄉夢腸斷吳娘夜半歌

見蝶

曉露零香粉春風拂畫衣輕紈原在手未忍撲雙
飛

紀夢

滄仙詩鈔

卷二

二

長夏炎炎天不雨市城五月正煩暑一枕踈牕魂
夢幽廣寒宮闕知何處倏忽凌空兩袖輕恍然飛
步上瑤京無數青山眼前列一片白雲足下生高
臺挿漢長廊曲縹緲雲屏三十六俯視大海天風
來瑟瑟波濤響寒玉霞駢冉冉降諸仙鳳簫聲徹
太華顛折花不語笑相顧霓裳羽衣俱翩躚此時
心境已如洗人生風燭偶然耳嗟我無緣骨未仙
一身偃蹇紅塵裡劇教回首意茫茫滿地月明松
露涼分明指點迷津路流水桃花自在香

冬夜

嗷嗷雁語過遙天人背孤燈獨不眠
雪茗權消清夜渴荆釵難當酒家錢
三更夢境梅邊得一片詩情畫裡傳
為羨逋仙幽韻在孤山風月自年年

病中有感

一掬清泉四壁塵
卧聞歌笑出東隣
多情只有天邊月
偏照寒牕抱病人

老親頭上白如霜
自顧微軀益自傷
未及慈鴉能返哺
轉將湯藥累高堂

澹仙詩鈔

卷二

三

春去

殘夢勾留醒復眠
月斜風曉落花天
韶華浪付閒鶯燕
第一關情是杜鵑

雨

落盡林花蝶未知
荼蘼香冷熟梅時
連宵綠水平橋長
整日踈簾隔檻垂
到眼韶光空惋惜
無端舊夢費尋思
意中多少淒涼事
殘醉昏昏睡起遲

夜

西風颯颯動簾鈎
虛閣涼生四壁秋
病起挑燈頻

怯影愁來見月便低頭雲邊鴻雁悲何事笛裡關
山怨不休千古傷心惟我輩花時誰忍更登樓

墨梅

橫空踈瘦一枝妍春在零山斷水邊絕似美人無
俗韻不塗脂粉自嬋娟

春夜

踈踈簾影漾輕羅一縷清絲一曲歌深院無人春
似水梨花枝上月明多

曲籬

澹仙詩鈔

卷二

四

影
剪竹護閒花點綴柴桑景小立未黃昏片片斜陽

苔堦

一雨便知春綠向柴門早留襯落花紅不遣童兒

掃

竹牕

波
檻外瀟湘景濃陰掩薜蘿風聲驚鶴夢月影漾簾

枯樹

嘯
偃伏幾千年中有瓊瓏竅所得是秋風夜半橫崖

送春

餞別東風幾悵然揮毫淚跡尚盈牋魂消深院落
花雨夢隔小橋垂柳烟客裡傷情鴉叫血愁中把
酒月當筵紅牙拍徹離歌歇孤負韶華又一年

湘簾

寂寞綠牕虛誰畫瀟湘景月漾一庭波不蔽芭蕉
影

澹仙詩鈔

卷二

五

竹

憂憂玉琅玕脩脩百尺竿清虛應有節風雪豈能
殘湘浦啼痕在空山翠袖寒衆芳無可伴心事付
幽蘭

春曉

蒼苔露濕淨無塵深鎖東風一院春垂柳拂牕簾
未捲鶯聲喚起畫眉人

玉簪花

瓊瑤朶朶絕纖埃露琢風雕遍玉階斜髻鬢雲香

更好美人應不羨金釵

禮佛

前因昧却俗情牽長願焚香禮衆天入世都無人
可語澄心恐有佛相憐黃梁曾指三生夢碧海常
開五色蓮回首迷途如不遠好皈清淨度餘年

落花

飄泊東風強自持芳華絕代命如絲難同蔡女還
家日却似明妃出塞時舞榭歌臺春寂寂荒烟蔓
草日遲遲零星滿地紅芳冷付與空山杜宇悲

澹仙詩鈔

卷二

六

白牡丹

一羣鶴羽飛將近幾束鮫綃織未休金粉何難誇
富貴白衣原可傲王侯

梨花庭院好相逢白紵歌殘憶舊踪誰喚芳魂驚
夢起嬌紅一捻尚嫌濃

明妃曲

誰道佳人難再得深宮花貌無人識生憎紅粉誤
江山羞把黃金買顏色遠嫁匈奴報主恩匆匆上
馬拭啼痕一去紫臺重回首桃花零落馬後塵淒

涼大漠黃雲起琵琶撥向悲風裡生前不復入漢
關死後偏能從漢禮當時富貴比春花草長長門
空怨嗟羸得青青芳塚在不教終古委塵沙

有感

紅滿梢頭綠滿枝花如錦片柳如絲遊人盡道春
光好不記秋風葉落時

玉蝶梅

靜抱寒枝凍不飛雪花爭豔月爭輝飛瓊自是神
仙質肯向春風脫羽衣

澹仙詩鈔

卷二

七

題江片石先生詩集

高峰矗立鶴孤鳴彷彿靈均寫怨聲說與時流應
不忌世間何物是詩名

村叢黃竹掩柴門竟日清吟欲斷魂誰有文人身
後福千秋第一布衣尊

病魔顛倒又愁魔無限淒其歎當歌白首吟成心
血盡不爭佳句錦囊多

筆鋒銳處掃浮華絕勝文通五色花一種沉雄誰
得似霜中曉角月中笳

嫦娥

桂府清虛仙漏閒霓裳舞徹影珊珊秋空夜夜風
沉露天上人間一樣寒

和荷香茶社惜荷詩

一夜風雷水滿池浣紗人去繫相思玉簫聲咽羅
衣薄南浦淒涼月上時

茶烟裊處合傷神閉戶無勞過客頻向日花時題
咏少花殘那得惜花人

仍抱水心徹底清未同荇藻逐波橫如來指點空
澹仙詩鈔

卷二

八

中色叅到蓮花悟死生

應與西方結淨因清漣濯濯憶丰神珠沉玉折尋
常事畢竟飄流不染塵

